

LIGJ
Nr. 95/2014

**PËR ZHVILLIMIN DHE PJESËMARRJEN E
FORCAVE USHTARAKE TË BRITANISË SË
MADHE DHE NJË NJËSIE DETARE GJERMANE
NË STËRVITJEN E PËRBASHKËT DETARE
“ALBANIAN LION 2014”**

Në mbështetje të neneve 12, pika 3, 78 dhe 83, pika 1, të Kushtetutës, me propozimin e Këshillit të Ministrave,

KUVENDI
I REPUBLIKËS SË SHQIPËRISË

VENDOSI:

Neni 1

Zhvillimin dhe pjesëmarrjen e forcave ushtarake të Britanisë së Madhe dhe një njësie detare gjermane në stërvitjen e përbashkët detare “Albanian Lion 2014”, në kuadër të bashkëpunimit dypalësh.

Neni 2

Lejimin e hyrjes në territorin e Republikës së Shqipërisë të 1 500 (njëmijë e pesëqind) trupave ushtarake të Britanisë së Madhe dhe të një njësie detare gjermane.

Neni 3

Qëllimi i kësaj stërvitjeje është planëzimi dhe realizimi i operacioneve të zbarkimit nga deti, operacionet e kërkim-shpëtimit dhe ato të evakuimit të personelit civil nga zonat e operacionit.

Neni 4

Stërvitja “Albanian Lion 2014” zhvillohet në periudhën 1 shtator - 31 tetor 2014 në bazën detare Pashaliman, bazën e Porto-Palermos, gadishullin e Karaburunit, kepin e Palit, bazat ajrore të Kuçovës dhe Rinasit, poligonet e qitjes në rajonet stërvitore Zall-Herr, Poshnjë, Bizë, si dhe në rrugëkalimet ajrore e tokësore për në këto rajone.

Neni 5

Në këtë stërvitje angazhohen 1 500 (njëmijë e pesëqind) trupa ushtarake të Britanisë së Madhe, një njësi detare gjermane, që do të jetë pjesë e forcave britanike, 4 anije zbarkuese (3 anije britanike dhe 1 anije gjermane), mjete ushtarake që do të vijnë të imbarkuara në anije, 2 avionë ushtarake “Hawk Jet”, 4 helikopterë transporti (2 helikopterë “Sea King” dhe 2 helikopterë “Chinook”), të cilët do të kryejnë lëvizje në rajonin e përcaktuar të stërvitjes, sipas nenit 4 të këtij ligji.

Neni 6

Trupat britanikë dhe gjermanë, gjatë hyrjes, qëndrimit dhe daljes nga territori i Republikës së Shqipërisë, do të kenë statusin e parashikuar në marrëveshjen ndërmjet palëve të Traktatit të Atlantikut të Veriut, për statusin e forcave të tyre, nënshkruar në Londër, më 19 qershor 1951, dhe të ratifikuar nga Kuvendi i Republikës së Shqipërisë me ligjin nr. 10 101, datë 26.3.2009.

Neni 7

Gjatë hyrjes, qëndrimit e daljes nga territori i Republikës së Shqipërisë trupat britanikë dhe gjermanë të shoqërohen nga njësi të armatosura të Forcave të Armatosura të Republikës së Shqipërisë.

Neni 8

Ngarkohen Ministri i Mbrojtjes, Ministri i Punëve të Brendshme, Ministri i Financave dhe Ministri i Transportit dhe Infrastrukturës për zbatimin e këtij ligji.

Neni 9

Ky ligj hyn në fuqi 15 ditë pas botimit në Fletoren Zyrtare.

Miratuar në datën 24.7.2014

Shpallur me dekretin nr. 8673, datë 11.8.2014 të Presidentit të Republikës së Shqipërisë, Bujar Nishani

